

光緒重修安徽通志

重修安徽通志卷二百九

人物志

忠節

太平府

晉王諒字幼成丹陽人少有幹略參王敦軍事稍遷武昌太守初新昌太守梁碩拒朝命自領交趾迎前刺史修則子湛行州事永興三年以諒爲交州刺史諒誘湛誅之謀誅碩弗克碩遂率眾圍諒於龍編陶侃遣軍救之未至而諒敗碩偪諒奪其節諒固執不與遂斷諒右臂諒正色曰死且勿畏斷臂何有十餘日憤悲而卒

晉書本傳

樂道融丹陽人爲王敦參軍敦將圖逆遣道融召甘卓道融雖爲敦佐忿其逆節因說卓襲敦卓大然之乃露檄陳敦過惡發

兵致討卓性不果決軍行稽遲敦遣卓兒子叩求和於卓卓信之將旋軍道融諫曰將軍起義兵而中廢竊爲將軍不取卓不

從道融晝夜涕泣憂憤而死

晉書本傳

齊董僧慧姑孰人慨懷有節義晉安王子懋鎮尋陽僧慧爲防閭明帝廢海陵殺都陽隨郡二王子懋舉兵赴難事敗王元邈知僧慧與謀執之僧慧曰晉安舉義兵僕實與謀得爲主人死死不恨願至主人大斂退就湯鑊元邈義而許之白明帝乃配東冶子懋子昭基九歲以方二寸絹爲書參其消息僧慧見書

曰此郎君書也慟而卒

南史晉安王子懋傳

尹略淮南郡人官遊擊將軍與胡諧之茹法亮等討巴東王子響至江津築城燕尾洲子響初順命餉臺軍諧之執錄其吏子響怒白率百餘人將葛鈞弩宿江隄上遣二千餘人與臺軍戰

尹略死之

齊書巴東王子雲傳

宋石天麟字文祥蕪湖人元豐閒南北江蠻有事募勇敢士天麟與李資同應募由陝州入諭蠻酋動以禍福皆相率降會資戮降者天麟勸之不聽蠻復叛天麟力戰遂遇害詔贈宣義郎

一統志

唐敬求字好古當塗人宣和甲辰進士調德化主簿盜起挺身率眾捍賊諭以禍福賊憤詆觸諫而前遂遇害事聞加贈升朝官補其子楠將仕郎

宋史本傳

惠直字子溫當塗人崇甯癸未進士歷太常博士性至孝父爲勢家所誣繫獄請代不許會父病卒銜哀飲水者數年建炎三年周公望使金辟以隨行或勸其辭直曰天步方艱豈臣子擇利時耶兼程而進疾作卒於高郵僧舍子貺官至敷文閣直學

重刊通志卷二百九  
士一統

孫德昭當塗人建炎中以諸王郡馬領兵禦金人於大儀死於

陣贈忠烈侯

江南通志

張伯麟字慶符當塗人紹興初以明春秋補入太學時秦檜主和議百僚相戒以言伯麟常題齋壁云夫差而忘越王之殺而父乎同舍生見之大駭請圻其壁伯麟不可值元夕張燈伯麟過中官白謬門復取筆題其上諫者以聞下獄拷掠無完膚流

吉陽軍

一統志

馬俊一名進當塗軍籍隸慈湖寨伉健沈鷺軍中憚之紹興中軍校陸得周青張順等據州叛青爲謀主約翌日屠城擁眾渡江俊隸青左右得其謀陰結其徒十人殺賊然後諭眾開門歸訣其妻孫氏出至南門伺青上馬砍中頰而九人無一前者俊

與妻皆遇害賊平贈俊修武郎爲立祠號登勇

宋史本傳

陶居仁蕪湖人以行義聞官鎮江錄事參軍元兵攻鎮江守臣洪起畏遜統制官石祖忠降居仁見執扣之降居仁曰吾固知世運已更詎可失忠義而苟活耶遂見殺大帥義之爲棺斂使人護還其家所流數百里不踰時卽至人皆異之爲立祠

宋史本傳

趙時賞字宗白宗室也居太平州咸淳元年進士知宣州旌德縣德祐元年元兵至境時賞率民兵捍戰有功升直寶章閣軍器大監從二王入閩中益王卽位擢知邵武軍文天祥開都督府於南劍辟參議軍事江西招討副使復甯都數縣嘗以偏師當一面戰比有勝時賞風神明俊議論慷慨有策謀尤爲天祥所重空阬之役同天祥戰敗走吳溪爲追兵所執不屈死之

宋史

本傳

趙時踐字容月當塗

舊作采石

人宋末爲廣德司戶參軍郡守重其

才伎攝建平縣事元兵南下先驅至東門時踐登縣樓撾鼓打

鉦爲守禦計城陷與妻子僕妾八人赴溪潭死

南蠻志

舊志廣德州名宦

新移

呂武太平州步卒也文天祥出使武應募從行脫鎮江之難武

力居多天祥開府南劍武以武功補官遣之約結州縣起兵相

應復崎嶇間道會天祥於汀州以環衛官將數千人出江西以

性不避強禦面折人過死於橫逆一軍慟哭而葬之

宋史鄭

明王愷字用和當塗縣人太祖拔太平召爲掾及建中書省用

爲都事克衢州命總制軍民事常遇春屯兵金華部將擾民愷

械而撻諸市遇春讓愷愷曰民者國之本撻一部將而民安將

軍所樂聞也乃謝之時饑疫相仍愷修惠濟局全活無算討平

開化馬宣江山楊明之亂遷左司郎中胡大海駐婺州愷佐之  
苗軍作亂害大海欲擁愷而西愷曰吾義當死豈從賊耶遂并  
其子行同殺之追封當塗縣男

明史本傳

嚴德字君輔當塗人從太祖起兵積功爲海甯衛指揮從朱亮  
祖討方國珍戰歿於台州追封天水郡公

明史濮英傳及功臣表

吳晟當塗人總管昇之弟陳友諒陷姑孰晟爲所執不屈死昇  
長子興與友諒兵戰於采石死之次子振襲攻建昌戰死漳江  
門

江南舊志通志

林聰字文敏其先閩縣人祖昊以永樂二十二年調建陽衛守  
太平遂居焉聰襲職檄定兩廣蠻獠累功升都指揮僉事畱鎮  
鬱林州成化三年蠻寇犯境聰禦於沙湖山至捍塘遇伏戰死

江南通志

太平府志



李茂蕪湖人永樂甲辰進士授南平丞鄧茂士之亂茂以書生

孤軍出戰死錄其子琮

太平府志

史記言字司直當塗人崇禎舉人事母以孝聞由長沙知縣遷知陝州陝當賊衝記言出私財募士聘少室僧訓練之八年冬流賊犯陝記言禦之斬數十級老獍猖憤甚來攻不克乘雪夜來襲而所練土方調他郡遂陷記言縱火自焚二僧掖之出曰死此何以自明賊獲之令降叱曰有死知州無降知州也遂被

殺

明史本傳

國朝乾隆四十一年

賜謚忠節

勝朝列傳諸臣錄

金鼎祚字爾錫當塗人崇禎八年拔貢知蘆山縣張獻忠陷蜀

鼎祚闔門殉難

一統志

國朝乾隆四十一年

賜諡節愍

勝朝殉節諸臣錄

沈受蒲字男玉當塗庠生崇禎十一年以薦授橫州知州以清操聞遷夔州府同知調成都獻賊破城與弟受躬死之家口數十人俱罹害

一統志

國朝乾隆四十一年

賜諡烈愍

勝朝殉節諸臣錄

倪瑞允字青崖當塗人以歲貢官當陽知縣獻賊犯楚瑞允破產以繼軍餉報最行取楊嗣昌愛其才畱軍前賊攻城中流矢卒

一統志

吳士琇字君玉當塗人崇禎丁丑拔貢生授徽州府學訓導署祁門縣事

大兵下徽州城破不食死子繼生宜生相隨死

一統志

周泗字孔來蕪湖人以歲貢授婺源訓導升涇縣教諭乙酉城

破自縊死

太平府志  
涇縣志

國朝張奇字嘉會蕪湖人順治四年以歲貢知瓊州府文昌縣城  
守楊殿臣陰構海賊圖不軌奇知而爲之備十一年正月竊奇  
單騎出乃使海寇韓昌時伏兵執之勒之降奇大呼格鬪噴血  
罵賊遂遇害子廩生中景挺身捍衛與弟意及僕張喬皆同死  
邑人建祠祀之乾隆時奉

旨追贈奉直大夫祀忠義祠嘉慶六年

賜廕裔孫從朗恩騎尉世襲

一統志  
蕪湖縣志

徐一范蕪湖人

題名錄  
高涇軍籍

以進士任禮部郎中轉左衛兵備道

已聞姜幾變私念猶子明弼知馬邑縣可密藉起兵驅車至城

下而賊已圍城一范遂爲所執至死罵不絕口一統志

王瀚字瀛洲當塗人乾隆元年以武舉人官漕運千總勤勞有年升雲南景蒙營守備從征普洱有功遇瘴卒四十四年追錄功臣奉

旨贈武宣大夫入祀昭忠祠當塗縣志以上舊志

陳德祥當塗庠生咸豐三年城陷德祥大書張帥國樑帶兵來剿揭示城內外賊見之被害當塗縣志以下新修

強占鰲繁昌武生咸豐三年帶練勇禦賊陣亡繁昌縣志

楊德標蕪湖人署黃池汛把總咸豐三年賊竄黃池德標率民兵禦之陣亡是年文生許文注在山西同垣曲知縣晏宗望守城死難附祀晏宗望專祠蕪湖縣志

孫凱字南谷蕪湖武生咸豐三年粵賊將至凱募勇無應者遂

傾家資界鄰里貧者使徙去凱率妻女投江死同時醫士陳如

川投泮池死艾鏞一家四人自酖

蕪湖縣志

祝萬年繁昌武生禦賊陣亡又教職徐天鵠附生邢輝煌蒲朝

元盛定前古長鼎監生邢文范俞成鸞梁德豐張雲路從九品

劉世杰並殉難均蒙

旌卹祠坊

繁昌縣志

張士麟繁昌廩生成豐四年與弟增生士鎡辦團禦賊先後被

害蒙

旌卹祠坊

繁昌縣志

張玉麟當塗文生五品銜咸豐年籌款二千餘金督辦團練賊

犯官圩陣亡又文生趙廣親亦於是年督辦黃池團練被脅不

屈死

當塗縣志

孫儉曾當塗人官江西南城典史咸豐五年署南豐知縣城陷

同妻殉難胞伯監生孫銘堂亦死之

當塗縣志

黃衍嗣蕪湖人從九品咸豐八年帶勇攻金柱關賊卡陣亡於

同治五年奉

旨議卹

蕪湖縣志

黃集之繁昌監生成豐七年白備軍裝帶領練勇在縣東城殺

賊陣亡是年郝志燦郝志燿曹志堯王銀文童葛成鈞文生湯

克城均殉難

繁昌縣志

吳魁奇繁昌人咸豐八年率同洪事修等二十二人在我鎮剿

賊均陣亡

繁昌縣志

江茂高繁昌人咸豐八年同軍功六品滕邦鈺及王幹喜董榮

陞等三十四人禦賊殉難均蒙

旌祀祠坊繁昌縣志

筮昌吉蕪湖人咸豐九年在孤山壩帶團擊賊力盡嘔血死蕪湖縣志

縣志

汪茂才孫松茂胡必貴張心瑛張文高許煥文均繁昌人咸豐

九年團練禦賊被害繁昌縣志

梅天元繁昌人咸豐九年率同丁得基等十人在我鎮剿賊陣

亡是年吳魁其程玉林在魯港擊賊陣亡又徐貴華打仗被害

繁昌縣志

劉式榮蕪湖人咸豐十年在涇縣全家殉難蕪湖縣志

汪光壽繁昌人咸豐十年在西鄉團練禦賊陣亡又劉在茲劉

晏如沃同賓吳騰高均陣亡繁昌縣志

陶靜之當塗人從九品寄居甯國府咸豐十年帶勇守城及陷

被害世襲雲騎尉

當塗縣志

潘如棟字小棠當塗拔貢歷任雲南州縣累擢普洱府知府居官數十年撫民緝盜俱有聲咸豐十一年辦雲龍州糧臺爲回匪所圍力竭自縊子同知泰來弟如楨姪泰元及家屬均殉難事聞如棟

贈太僕寺卿銜世襲雲騎尉

當塗縣志

李慶純字松湖當塗人由甘肅庫大使歷任知縣升河州知州加知府銜任甯夏縣時請免墾石山以蘇民累捐建書院資助公車會試費告歸後粵賊犯境寄居金壇之鐵雞頭遇賊不屈被害

當塗縣志

尚成燊字曙菴當塗舉人咸豐初倡辦團練十一年在官圩率

團殺賊陣亡

當塗縣志



朱兆元當塗武生拔補烏黃把總咸豐十一年禦賊戰死父庠

生汝霖同時殉難

當塗縣志

姚性中原名信中當塗文生咸豐十一年率團禦賊大龍口陣

亡廬雲騎尉

兩江奏案

孫鑑蕪湖庠生咸豐十一年帶勇擊宣城竄賊殺數人被執死

之

蕪湖縣志

周士恆蕪湖人保守備咸豐十一年在景德鎮禦賊受傷死

蕪湖縣志

縣志

郝志澤繁昌人軍功六品咸豐十一年在舊鎮禦賊陣亡又方

斯玉亦於是年團練殺賊捐軀

繁昌縣志

沈鳳才字五樓當塗優貢官績溪訓導調辦徽甯糧臺遇事勤

敏歷保直隸州知府用同治元年授甘肅階州知州三年八月

髮賊由陝敗竄階州鳳才率民團固守城陷死之弟從九品鳳  
詔子縣丞大霖壻從九品陳廷佐及家屬同時殉難事聞鳳才  
贈太僕寺卿銜祀昭忠祠世襲雲騎尉鳳詔大霖廷佐均祀昭忠祠

縣志

霍際雲當塗增生同治元年偕文生郭筠生張禮堂在東鄉先  
後帶勇拒賊陣亡均廕襲雲騎尉又文生朱聯魁吳家富暨朱  
功賢楊正林宋開玉張成埔張海南俱帶勇殺賊被害又鍾廣  
極襄辦團練遇賊不屈死

當塗縣志  
續呈冊

李大序當塗人從九品銜督團禦賊陣亡合家殉難世襲雲騎  
尉又李大本李大倫程懋錦程傳勤程懋和韋道富韋正選韋  
道培韋正賞韋正伋韋道明韋道珍韋應方韋僧漢皆陣亡合  
家殉難各專建祠坊

當塗縣志

胡克裕當塗增貢六品銜辦團遇害合家殉難世襲雲騎尉又  
監生胡克沂胡仁玉胡治發邵德音邵邦鳳邵朝忠邵邦英邵  
邦良任兆興任甫禮任德楷朱學瑩朱光祖朱以塾皆陣亡合  
家殉難各專建祠坊

當塗縣志

陶鑄賢當塗廩生督團禦賊陣亡合家殉難廕襲雲騎尉又陶  
兆蕙陶文川陶作書鄒聖和鄒廣福鄒聖達鮑學琪鮑大祥張  
世華張可棟吳承恩吳佩球孫升如陳有勇徐宏濶唐明文丁  
正祥王士華聶國福高有禮皆陣亡合家殉難各專建祠坊

縣志

周彝當塗舉人合家殉難於同治六年

贈都察院經歷銜廕子入監又監生李黼李道盛李元茂李元煦袁開  
甲袁道玉費廷珍朱永年朱以型程印魁程魯詹皆合家殉難

各專建祠坊

當塗縣志

唐金鼈當塗歲貢合家殉難於同治六年

贈布政使都事銜廕子入監又吳成淦吳道位吳之績吳道銘吳道琪

吳道璋吳道勝吳道春吳道友吳道興吳道晉吳道牲吳道棟

吳之綺吳之滿吳之賢吳之修吳之泉吳之啟吳之遵吳之坤

吳之仁吳之訓吳之起吳學頊吳學頌吳學頔吳傳新吳永壽

皆合家殉難各專建祠坊

當塗縣志

劉桂馨當塗廩生夏森丁際盛俱當塗附生竝合家殉難均於

同治六年

贈鹽知事銜廕子入監又夏世聘夏士根張支華張師文張朝富張朝

友張朝福張朝壽張朝綱張宗安張宗純張永和張大凱張世

萬張九化邵邦鼎邵明一邵明乾邵明烈邵明田邵明典邵邦

治邵興元邵興志楊時設楊生茂喻榮伸喻太仁鄒聖其戴明  
 瑞戴興貴丁成鶴鮑大雄王士恆周祖皋周榮慶陶繼良陶繼  
 春陶如恆陶如相陶隆瑤陶鳴全陶世珊陶廣均陶廣明陶廣  
 本陶廣權陶廣珠陶廣領陶道全陶道記陶大長劉恆遠劉恆  
 慤劉遵潮劉守誥杜召本陸宜春汪振續呂廷幹薛國海俱合  
 家殉難各專建祠坊

當塗縣志

陳春沂當塗附生合家殉難於同治六年廕襲雲騎尉又陳德  
 政陳原昌陳德敏陳家煒陳起元陳希陳錫錦陳家爵陳之宣  
 陳大受陳宗昌陳茂順陳錫森陳錫莊陳承昌俱合家殉難均

旌卹專建祠坊

當塗縣志

庾長青當塗武舉在瓢兒山倡練殺賊後勇潰嘔血卒又六品  
 頂戴附生程錦江監生劉慶宸在博望鎮武生陸秋園在禪村

監生吳承恩吳道和在雁頭村監生喻榮紳在荷嶺村監生程培根在寶義圩監生沈敬文在南莊監生程位隆在石馬村監生黃吉士在關馬巷俱督練陣亡又五品翎頂祝嘉量襄辦陣練遇賊投水死均於同治六年

旌卹祠坊

當塗縣志

沈太和當塗人州同銜同從九吳溶程金鑾李大廉李大應徐昌時先後督團禦賊陣亡俱世襲雲騎尉

當塗縣志

陶鑄良當塗增生同附生張觀海吳藻文吳楚雲吳民蒸周耀南周誥朱德楷鮑錡陶漢雲陶鑄才郭芸生沈培初韋鴻翥先後率團禦賊陣亡俱膺襲雲騎尉

當塗縣志

孫鳳翔當塗武舉在灣沚率勇殺賊勇潰死之又都司銜王朋明在江浦縣五品把總湯子發在祁門縣軍功五品曹安賢陳

得勝在甯國府六品沈文榮在栗山磯趙宏謨在蕪湖謝繼春  
在李家甸外委耿繼興在金壇俱陣亡又從九成士莊外委侯

萬榮均隨官軍剿賊陣亡

當塗縣志

吳郁文當塗歲貢同文生陳星榆陶修義周樹滋魯金鎔張德  
書朱德元監生徐融昭武生陳東初孫均袁遇春從九李春庭  
文童甘玉明魯芹夏誠恕鍾良聰章如淮李鳴岐武童唐名鑾  
先後團練殺賊陣亡李春庭闔門殉難

當塗縣志

魯聖金當塗人同劉有才魏宗裕魏宗培陶榮富武恆山魏源  
武魏源文魏源昌魏宗太程道坤先後團練殺賊陣亡魏宗裕  
魏宗培陶榮富魏源武俱合門殉難又文生朱戶全家殉難僅  
存戶一人文生張紹彝金衍福亦以禦賊不屈死

當塗縣志續至册

業尊王當塗人賊至一家二十五口被害又成鈞成大姓胡國

椿王直梓孫彩世劉令起錢毓樹錢毓椿劉聲祚陳元貴劉聲

江徐宗淇徐周樂徐周詩徐周文徐周南徐宗遜徐立珍徐立

修錢大倉錢大隅俞蘭芳程道坤俱合門殉難

當塗縣志

王正興王德成王小陶業增陶和尚陶友毛俱繁昌人並一門

殉難均建專祠坊

繁昌縣志

李易簡蕪湖廩貢充向榮書記在宣城紅綾橋禦賊死之又歲

貢生湯培根廩生凌祥馨凌雲庠生程鼎崇陶家純陳茂官從

九品楊和熙楊和烈童生何燮文武生羅雲軍功范繼成楊中

林李德魁俱先後投營禦賊被害又勇目陶大林蔣光遠陶友

交均接仗陣亡

蕪湖縣志

鍾拔千當塗武舉率團手刃十餘賊力竭受傷死

當塗縣志

鮑雲鵬字翼翔當塗庠生寄居廬江粵匪踞城雲鵬同吳廷香



等倡團攻復乘勝追賊煙墩被害

救建專祠廢襲雲騎尉

廬江縣志

重修安徽通志卷二百十

人物志

忠節

廬州府

魏劉整鄭像並合肥人嘉平六年鎮東將軍母邱儉上言昔諸葛恪圍合肥新城城中遣士劉整出傳消息爲賊所得不求苟活終無他辭又遣鄭像出恪索得之縛將繞城使言大軍已還洛不如早降像不從整像爲兵能守義執節子弟宜有差異詔追賜關中侯使子襲爵

三國志三少帝紀

吳王蕃字永元廬江人博覽多聞兼通術藝爲散騎中常侍與萬彧同官彧與孫皓嬖臣數譖毀蕃蕃體氣高亮不能承顏順旨時忤皓意積以見責丁忠使晉還皓大會羣臣因以酒失誅

蕃丞相陸凱極痛傷之上疏諫皓比之龍逢皓徙蕃家屬廣州

二弟著延皆爲佳器郭馬之叛不爲馬用並見害

三國志本傳

唐袁傑字人傑巢無爲鎮人唐末盜亂招集義兵保障鄉里賊

凡六入其境挺身血戰死尸僵立者七日賊驚異而遜

一統志

陳知新廬江人從行密起兵攻畢師鐸孫儒皆有功累授先鋒

指揮使天祐元年率兵攻巴陵破其水柵逐楚將盡收其地拜

岳州刺史三年加團練使從劉存伐湖南戰敗被擒馬殷親釋

其縛冀爲己用知新叱罵乃殺之家悉陷敵

九國志本傳新傳

朱密佑廬州人其先自密徙廬累官至江西都統元兵逼撫州

佑率眾逆之進賢坪元兵呼曰降者乎鬪者乎佑曰鬪者也麾

其眾進至龍馬坪元兵圍之數重矢下如雨自辰戰至日昃身

被四矢三創眾僅餘數十人佑乃揮雙刀斫圍南走馬踏橋斷

遂被執愛其勇使降將劉槃呂師夔說之不屈又令其子說之  
曰父死于安之佑斥曰汝行乞於市第云密都統子誰不憐汝  
也怡然自解其衣請刑就死觀者泣下

宋史本傳

劉師勇廬州人以戰功歷環衛官姚耆復常州師勇以淮兵取  
呂城朝廷以師勇爲和州防禦使助耆守常而以張彥守呂城  
呂城失守彥被執使至城下招降師勇斥以大義彥慚而退又  
遣范文虎來諭伏弩射走之城陷師勇拔柵戰且行弟馬墜墮  
舉手與訣而去後從二王至海上見時事不可爲憂憤卒葬於

鼓山

宋史張世傑傳

褚一正字粹翁廬州人以武進士爲提刑諮議督戰高沙被創

自投於水

宋史宋應龍傳

元余闕字廷心唐元氏其先世居河西武威郡父沙刺藏卜官

廬州遂爲廬州合肥人少喪父授徒養母元統元年賜進士第授同知泗州事爲政嚴明宿吏皆憚之俄召入爲翰林轉刑部主事疏滌冤滯獄五百人以不阿權貴棄官歸尋以修宋遼金三史召復入翰林爲修撰拜監察御史出爲湖廣行省左右司郎中轉僉浙東道廉訪司事丁母憂歸廬州盜起河南陷郡縣至正十三年起闕爲淮西宣慰副使僉都元帥府事分兵守安慶時南北音問隔絕兵食俱乏抵官十日而寇至拒卻之乃集有司與諸將議屯田戰守計環境築堡砦選精甲外捍而耕稼於中屬縣潛山入社土沃饒悉以爲屯明年春夏大饑人相食乃捐俸爲粥以食之活者甚眾升同知副元帥又明年秋大旱爲文祈潛山神三日雨歲以不饑盜方據石蕩湖出兵平之令民取湖魚而輸魚租十五年夏大雨屯田禾半沒城下水涸有

物吼聲如雷闕祠以少牢水輒縮秋稼登得糧三萬斛闕度軍  
力有餘乃浚隍增陴隍外環以大防深塹三重南引江水注之  
環植木爲柵城上四面起飛樓表裏完固升都元帥廣西苗軍  
五萬從元帥阿思蘭沿江下抵廬州闕移文謂苗蠻不當使之  
窺中國詔阿思蘭還軍苗有暴境上者收殺之凜凜莫敢犯時  
羣盜環布四外闕居其中左提右挈屹爲江淮一保障論功拜  
江淮行省參知政事仍守安慶通道江右商旅四集池州趙普  
勝帥眾攻城連戰三日敗去未幾又至相拒二旬始退懷甯縣  
達嚕噶齊伯嘉努戰死十七年普勝同吉軍兩道攻我拒戰月  
餘皆敗走秋拜淮南行省右丞安慶倚小孤山爲藩蔽命義兵  
元帥胡巴延統水軍戍焉十月沔陽陳友諒自上游直搗小孤  
山巴延戰四日夜不勝急趨安慶賊追至山口鎮遂薄城下闕

遣兵扼於觀音橋俄饒州祝寇攻西門斬卻之賊乘東門登城  
簡死士力擊復敗去賊又並軍攻東西二門俱擊卻之賊患甚  
乃樹柵起飛樓復來攻闕分諸將各以兵捍賊晝夜不得息時  
普勝軍東門友諒軍西門祝寇軍南門四面蟻集外無一甲之  
援西門勢尤急闕身當之徒步提戈爲士卒先士卒號哭止之  
揮戈愈力仍分麾下將督三門之兵自以孤軍血戰斬首無算  
而闕亦被十餘創中城陷火起闕知事不可爲引刀自刎墮  
清水塘中妻耶卜氏子德生女福童皆赴井死城中民死者以  
千計時至正十八年正月丙午也闕號令嚴信與下同甘苦然  
稍有違令卽斬以徇嘗病不視事將士皆籲天求以身代闕聞  
強衣冠而出嘗出戰矢石亂下士以盾蔽闕闕卻之曰汝輩亦  
有命何蔽我爲故人爭用命稍暇注周易帥諸生謁郡學會講

立軍士門外以聽使知尊君親上之義有古良將風烈卒年五十六追封幽國公諡忠宣議者謂自兵興以來死節之臣闕與褚不華為第一云闕畱意經術五經皆有傳註為文有氣魄詩體尚江左高視鮑謝徐庾以下不屑也篆隸亦古雅可觀

元史本傳

舊志別載安慶府泗州名宦今移並增修

舊按賈伯良死節記作夫人蔣氏妾耶卜氏耶律氏女安安赴井死子德臣溺死後圍池中甥福童戰死邵戒山元史類編注云闕姪孫宗烈言夫人實蔣氏德臣安安皆夫人所生鮑文德舒城人至正間鎮廬州路趙雙刀攻城文德為礮石所傷而卒

廬州府志

王翰字用文廬州人其先自靈武從元下江淮授領兵千戶遂家焉翰歷官福建江西行省郎中陳友定表授潮州路總管友



定敗爲黃冠棲永泰山中者十載太祖強起之自刎死

明史陳友定傳

府志廬州

明廖永安字彥敬巢縣人太祖初起永安與弟永忠以舟師自巢湖來歸遂攻元中丞蠻子海牙於馬場河再戰再破始定渡江策永安舉帆直指牛渚鼓勇登采石取太平授管軍總管入集慶克常州破池州所向有功後從徐達復宜興乘勝入太湖遇吳將呂珍舟膠於淺被執欲降之不屈爲所囚太祖壯之遙封楚國公被囚凡八年竟死於吳追謚武閔改封鄖國

明史本傳

張德勝字仁輔合肥人從太祖渡江所向有功陳友諒犯龍江德勝總舟師迎戰大敗之追至采石大戰歿於陣追封蔡國公

謚忠毅肖像忠臣廟

明史本傳

汪興祖巢縣人德勝養子德勝死子宣幼以興祖襲敗張士誠

擊陳友諒於涇江口功最北征至曲阜以禮接衍聖公希學充

東州縣聞風皆下宜既長遂復姓爲汪洪武四年從傅友德伐

蜀中飛石死蜀平追封東勝侯

明史張德勝傳

徐明合肥人爲管軍百戶友諒攻南昌明躍馬射賊賊知名

併力攻之被執死追封合肥縣男祀豫章功臣廟

明史趙德勝傳

石明合肥人管軍千戶從援南昌戰康郎山死追贈梁縣子祀

康郎山功臣廟

明史功臣表

按明史作石明江南通志作邱明廬州府志作后明當從史

王德朱鼎皆合肥人同戰死康郎山祀於廟德贈合肥子

明史功臣表

按朱鼎封爵無考

陳冲巢縣人王仁舒城人江澤廬江人皆千戶戰歿於康郎山

冲贈巢縣子仁贈舒城男澤贈廬江子並祀於廟

明史功臣表

桑世傑無爲人自巢湖來歸趙普勝有異志世傑發其謀普勝  
逸去從渡江略地有功元繼瑞據石牌太祖命廖永安及世傑  
擊之世傑戰死太祖念其功贈安遠大將軍永義侯侑享太廟  
子敬以父功累官都督府僉事封微先伯

明史本傳

朱國興世居合肥其先本定遠人從父朝用渡江年十八以總  
管先登陷陣與陳也先戰南臺太祖解白龍袍衣之敵誤以爲  
上也攢槊刺之至死常遇春翼上潰圍出妻曹氏聞變投井死  
命以國興官授其弟晟

明史朱晟傳

周顯合肥人從渡江累功至指揮同知洪武三年以收應昌紅  
羅山寨遷指揮使五年從李文忠北征與曹良臣等同戰死

明史

曹良臣傳

濮英廬州人以百夫長積功至西安衛指揮隨大將軍馮勝北

征抵金山降納哈出遂班師英將三千人爲殿納哈出餘眾聞  
師旋伏於途英後至猝爲所乘馬蹶見執思挾以爲質英引佩  
刀剖腹死贈金山侯謚忠襄明年進贈樂浪公封子璵西涼侯

明史  
本傳

劉友仁合肥人與弟謙隨胡大海取徽甯有功友仁援池州與  
趙普勝戰歿於陣附祀功臣廟

一統志

汪河舒城人嘗師余闕以文章名從渡江爲中書省掾太祖高  
其才進大都督府都司使察罕議論稱旨後奉命報庫庫聘爲  
所畱太祖前後七致書不報洪武元年下河洛庫庫走定西河  
始得歸被拘凡六年帝甚嘉之進吏部侍郎改御史臺侍御史  
九年拜晉王左相親御便殿諭遣之

明史楊  
元果傳

俞通海字碧泉巢縣人其父廷玉自濠來徙元末盜起廷玉率

其子通海通源通淵與廖永安等結寨巢湖通海間道來歸時  
太祖駐師和陽謀渡江無舟楫通海至大喜曰天贊我也親往  
拔其軍從破海牙諸水寨授萬戶累功至樞院同知陳友諒圍  
南昌從太祖擊之遇於康郎山舟小不能仰攻通海乘風縱火  
焚其舟太祖舟膠於淺幾爲張定邊所窘通海飛舸來援遂得  
脫友諒敗功最多從平武昌拜中書省平章政事從攻張士誠  
戰滅渡橋搗桃花鵝中流矢創甚歸金陵太祖幸其第問曰平  
章知予來問疾乎通海不能語太祖揮涕而出翼日卒太祖臨  
哭甚哀追封豫國公侑享太廟肖像功臣廟洪武三年改封號  
國謚忠烈

明史本傳

俞通淵廷玉之第三子通海弟也洪武二十五年太祖念其父  
兄功封淵越嚮侯帥師討建昌叛賊城越嚮建文時隨大軍征

燕戰歿於白溝河子靖嗣

明史俞通海傳

國朝乾隆四十一年

賜諡烈愍

勝朝殉節諸臣錄

瞿能合肥人父通洪武中官都督僉事能以指揮從藍玉擊西番有功燕師起從李景隆北征攻北平與其子破張掖門景隆忌之命候同進遂不克戰白溝燕王幾爲所及會旋風起父子

同歿於陣

明史本傳

國朝乾隆四十一年

賜諡忠烈

勝朝殉節諸臣錄

余瑱合肥人燕師起從朱忠保懷來忠倉卒布陣燕師一麾渡河瑱被執不屈死

明史朱忠傳

國朝乾隆四十一年

賜諡烈愍

勝朝殉節諸臣錄

陳植廬江人建文二年官兵部右侍郎燕兵臨江植監戰江上

慷慨誓師部將有議迎降者植責以大義部將殺之以降燕王

立誅之爲棺斂葬白石山上

明史本傳

國朝乾隆四十一年

賜諡烈愍

勝朝殉節諸臣錄

廖鏞巢縣人德慶侯永忠孫累官都督建文時與議兵事宿衛

殿廷與弟銘皆受學於方孝孺孝孺死收其餘骸葬聚寶門外

山甫畢見收論死

明史廖永忠傳

國朝乾隆四十一年

賜諡節愍

勝朝殉節諸臣錄

徐凱合肥人官都督僉事鎮守四川燕師起召充副總兵以都

督屯臨清與宋忠相犄角爲燕所襲不屈死

明史朱忠傳

甯忠合肥人累官都督從李景隆北征戰真定又戰漳沱河被

執不屈死

一統志

周讓字克遜無爲人以劉基薦任給事中永樂初兩使西域被拘徙之荒野瀕死者數四終不屈惟諭以本朝恩信詞旨嚴正番人感動卒遣使隨之入貢太原劉寅以爲無異蘇武云

一統志

國朝乾隆十五年

恩准入祀忠義祠

廬州府志

褚能合肥人官懷遠將軍壽州衛指揮同知洪熙元年改廬州

衛宣德二年調征交趾與子斌俱陣亡追封斌懷遠將軍

廬州府志

陳懷合肥人以功官都指揮僉事從平安南進都指揮使再從

張輔征安南簡定從都督費瑛征涼州虎保皆有功進都督同



知鎮甯夏進左都督畱鎮四川正統二年鎮大同九年與中官但仕出古北口征兀良哈還封平鄉伯十四年扈英宗北征死

於土木之難贈侯謚忠毅子輔襲

明史本傳

楊達合肥人襲杭州右衛前所正千戶以廉能稱正統十三年隨軍征金華處州盜賊至武義縣首先禦賊歿於陣贈指揮僉

事

浙江通志新刊

葉亘卿字弼輔舒城人官平海衛後所副千戶嘉靖中領水師

守泥涇灣巡徼南日寨會倭寇船至迎風鏖戰生擒百餘人次

年賊颶風夜半入劫堅壁捍禦力戰身被數十創死

福建通志

潘恩合肥人雷州左所百戶隆慶四年海寇猖獗恩率軍防汛

遇賊於沙頭洋奮勇赴戰中鎗而亡眾憫之給其葬事

廣東通志新

增

黃隆廬州人雷州左所副千戶隆慶五年掌錦囊所印值倭寇犯城鋒銳莫禦眾皆潰散隆獨挺身力戰身受數十創遂遇害事聞恩卹其子繼勳

廣東通志新增

郭象儀字維修舒城人萬厯舉人授四川順慶府推官時土酋作亂奉檄討之象儀身被堅執銳爲士卒先賊遁乘勝直搗賊巢遇伏死贈光祿卿蔭一子廬州千戶祀報功祠

廬州府志

盧謙字吉甫廬江人萬厯己巳進士知永豐縣擢御史出爲江西右參政引疾歸崇禎八年流賊陷廬江謙服命服危坐中門賊至欲屈之大罵賊怒殺之投屍於池池水盡赤舉人張受畢

伊周亦不屈死謙贈光祿卿

明史本傳

國朝乾隆四十一年

賜諡烈愍張受畢伊周並

賜祀忠義祠

勝朝殉節諸臣錄

趙之璞字連城合肥人廬州衛指揮同知張獻忠寇廬分守小

東門城潰巷戰死

明史趙興基傳

國朝乾隆四十一年

賜諡烈愍

勝朝殉節諸臣錄

程楷字畸人合肥人天啟進士歷官雲南參政崇禎十五年獻賊攻城楷方里居與知府鄭履祥經歷鄭元綬分門拒守會提學徐之垣以試士至獻忠遣其下僞爲諸生襲衣冠以入夜半舉礮城中大擾楷不屈死之贈光祿卿

明史趙興基傳

國朝乾隆四十一年

賜諡烈愍

勝朝殉節諸臣錄

李之青

一作清

廬江人崇禎十七年闖賊陷太原被執罵賊死

西

通志

國朝乾隆四十一年

賜諡烈愍

勝朝殉節諸臣錄

黃克家合肥武進士官湖東守備福建閩羅宋三家賊烏合萬

餘檄諸營台剿克家先登馬蹶遇害

廬州府志

國朝乾隆四十一年

賜諡烈愍

勝朝殉節諸臣錄

曹同

廬州府志作同申

字幼伯巢縣人官鄖西知縣鄖安牘降寇老當

當獻賊約為內應倉卒被執死之

廬州府志

國朝乾隆四十一年

賜諡節愍

勝朝殉節諸臣錄

張宏字曾士廬江舉人崇禎時授威遠知縣

廬州府志云名宏任又於其子振祥

傳云爲嘉定知州與此異賊勢猖獗宏誓死守令長子振祚突圍夜出求救

未至城陷罵賊被殺振祚還見父遇害遂觸石死

廬州府志

國朝乾隆四十一年

賜諡節愍振祚

賜祀忠義祠

勝朝殉節諸臣錄

黃得功字虎山合肥人徙開原衛累功爲遊擊遷副總兵崇禎十四年以總兵分護鳳陽泗州陵獻賊攻桐城得功大破之於潛山移鎮廬州封靖南伯福王立進侯旋命與高傑劉良佐劉澤清爲四鎮史可法移之儀真牽制高傑傑死復移鎮廬州左良玉東下病死九江軍中立其子夢庚命得功禦之破之於銅陵移鎮太平加左柱國

大兵渡江得功方收兵駐蕪湖福王潛入其營得功驚泣誓効死

方督麾下八總兵迎敵忽飛矢至中其喉知不可為擲刀拾所

拔箭自刺死其妻聞之亦自經

明史本傳

國朝乾隆四十一年

賜諡忠桓

勝朝殉節諸臣錄

張四哲合肥人崇禎八年賊圍廬州同弟四美四奇與賊戰不

勝一家十五人盡投井死

一統志

國朝乾隆四十一年

賜祀忠義祠

勝朝殉節諸臣錄

余明史承德無為人諸生崇禎十五年流賊至祖母劉氏母魏

氏妻楊氏妹玉女出避為賊所獲承德不屈並遇害楊投河死

賊將犯玉女玉女大罵寸磔死

明史張清雅傳無為州志

國朝乾隆四十一年

賜

祀忠義祠

勝朝殉節諸臣錄

重刊志卷二百十

士

廬州府

胡守恆字見可舒城人崇禎進士授嘉興推官召試平臺改編

修晉東宮講官以乞養歸獻賊陷舒城被執罵不絕口死子永

亨夜入賊營收葬贈少詹事諡文節

明史趙興基傳廬州府志

金玉度合肥人崇禎武進士賊至巷戰死之又有樊孔學者廬

州衛百戶乙亥賊至戰敗被磔死

廬州府志

錢策字國猷無爲人萬厯進士入南刑部改職方出守貴陽以

事聽調回籍家居十五年起光祿少卿推操江及通政少司寇

俱不果用崇禎時寇亂上書言時事壬午城陷不屈死之贈大

理寺卿

廬州府志

趙嗣蕃字千之合肥諸生城潰賊強之跪不屈縛之樹罵不絕

口而死同邑諸生吳士任字顯伯蔡世和字強子俱罵賊死廩

生王時彥字輔明城陷不屈死母湛氏妻張氏俱同死又有朱應珍者罵賊死越三日二子至演武場覓之遙見一屍動搖若招手狀趨視則其父也哭而斂焉

廬州府志

張宏化字駢公合肥諸生鼎革後步入文廟哭拜先聖而死又有高翰冲者字雲翔聞變涕泣累月投繯死

廬州府志

呂學望字渭濱廬江人官商邱丞以疾歸崇禎乙亥賊至從盧謙守禦城陷罵賊死同邑張應弼字二宿官嘉祥典史致仕歸率子正顏正庭正份姪建昌主簿正蒙守北門城陷盡殲焉僕耿大耿二見主被難亦奮力格鬪死

廬州府志

談耀祖字華江廬江人萬曆丙子副榜賊薄城下耀祖晝夜守禦城陷與子之藻等五人同死同邑諸生柳生金談華澗俱罵賊死又許三俊同弟三宅姪鍾穎鍾元鍾瀄鍾碧鍾燦俱諸生



並禦賊力戰死

廬州府志

馬應魁字守卿廬江人從史可法征戰有功爲副將乙酉知城

必不守預作家書辭父母訣妻子與可法同死同邑李陽春字

育和官永甯衛經歷弟先春字元初官行都司經歷乙亥賊至

時兄弟俱在里守禦力戰死

廬州府志

夏斗光字燦霄廬江人以祖守富征苗功襲廬州衛左所百戶

崇禎十六年海寇襲旺等沿海剽掠調揚州海防參將率子元

勲入海擊賊颶風作戰艘漂散父子俱力戰死

廬州府志

沈志傑無爲諸生崇禎辛巳流賊犯境志傑率子可則姪可仕

夜斫其營俱罹於難州建祠祀之額曰勇烈兵部郎朱芾煌作

戰城南哀之一

一統志廬州府志

路寬字軻初無爲人壬午賊入州界寬率鄉兵出城十五里至

獲冊墮與賊遇殺數十人賊來益眾遂憤寬獨力猶手殺數人

而死同時有王加惠者亦被殺

府志

吳之默字師峙無爲歲貢流賊破城蹂躪學宮默趨而罵之爲

所殺同邑徐日章崇禎二年選貢曾任滋陽縣丞亦罵賊死

府志

府志

楊彪合肥人幼讀孫吳通古今成敗佐黃得功幕積功至總兵

明亡自刎死

廬州府志

方四合肥句者賊圍城四伏水中賊以爲死也四倏從水底躍

起拉一賊同入水

合肥縣志

陸合新字涵臺巢縣舉人流賊陷城衣冠端坐賊脅之跪台新

曰我三十年老孝廉肯爲鼠輩屈膝耶拔劍斫賊被殺

廬州府志

徐奇巢縣諸生城陷親視其妻及二女縊一妹歸甯亦自刎然

後從容就縊同縣諸生趙宏璧張益奇葛遇明張拱祿嚴成惠

張弓王善慶彭長齡俱罵賊死

廬州府志

楊無埜巢縣諸生明亡不食七日而死

廬州府志

陳經略何其鳴王大年陳國鼎張振之張振羽孔昭劉哲嚴正

中李之彩張桂芳劉旭桂巍陳經制姚履吉徐延典曾宏道汪

應乾李繼剛張源夏偉柯正榮俱廬江諸生崇禎乙亥與監生

張治猷張治矩張星煒張宿遠李豔林等守城禦流寇被執俱

不屈死

廬江縣志  
新增

楊鴻功字冲若巢縣諸生乙亥賊去後入城細訪忠孝節義錄

成一書名曰屬陬錄而義僕節婢亦附焉壬午城復陷賊執之

見渠魁責以大義聲色甚厲將被殺二子爭以身代皆死

廬州府志

汪有宸無爲人崇禎甲申夫婦殉難州人吳名鼇作傳

無爲州志  
新

增

國朝柯雙廬江邏卒也順治三年流賊尙出沒舒廬間夜有潛入城者爲雙所覺大呼驚守城人起賊殺雙從數十騎由冷水關去城得保全

廬江縣舊志新增

林蔚合肥人順治四年以貢生知詔安縣明年賊陷城被執死之

福建通志

阮自雄字虎臣無爲人官京口守備康熙十三年隨川督蔡毓榮征吳逆於洞庭升副總兵二十年苗人構亂自雄進剿賊從篁棘中突出眾寡不敵力戰死廕其子嘉級于總

廬州府志

王承業廬江人官廣西副將康熙十八年吳逆孫西松犯梧州承業擊敗之又圍南甯城中食盡將陷承業援兵至殲其眾六千西松負傷走死十九年進剿柳州降賊將馬承蔭二十年復

安籠所城破賊二萬奪營二十二擒賊將詹養王有功旋抵曲靖距省城七里三桂孫世璠率眾拒戰承業衝入賊陣破中額陣亡

詔贈右都督廕其子良駿守備

一統志  
廬州府志

劉承恩字公亮廬江人年二十從戎哨海有功歷潮州副將從征吳逆升後營總兵都督僉事並授其長子世勳隨征副將次子紹勳隨征監紀同知收復永瀆等處皆有功後以力戰陣亡  
乾隆二十六年

賜祀昭忠祠襲其六代孫為恩騎尉

一統志  
廬州府志

鍾邦任字任遠舒城人歷官貴州大定府知府被議鐫級補四川同知署龍安府知府

大兵征金川邦任委赴八角礮辦理夫馬糧餉賊圍之急邦任死

守不去遂遇害壻許國僕程貴潘升胡岐俱從死事聞

賜祭葬贈兵備道入祀昭忠祠廕其子德溥知縣世襲雲騎尉

符城縣志

上舊志

重修安徽通志卷二百十一

人物志

忠節

廬州府

蔡劬清合肥人臨淮把總咸豐元年從征廣西陣亡合肥縣志以下新修

于清郭愷潘全俱無為人廬州營兵咸豐二年岳州陣亡無為州志

金連科金登榜楊宏俱合肥武生咸豐二年同防武昌陣亡合肥縣志

縣志

王世良字輔之合肥武舉松江右營千總以捕盜功升守備署

泰興營都司咸豐三年髮賊東竄世良守江甯漢西門城陷同

弟世椿死之世良

贈游擊銜是年千總魯太和合肥人在巢縣陣亡

合肥縣志

彭振標合肥武生咸豐三年壽春鎮玉山援廬州振標為畫策

玉山不從陷伏死振標格戰亦死之

恩師如例

徐子芥文集  
合肥縣志

王汝貴候選教諭程士純候選訓導俱合肥人咸豐三年從江

忠源守廬州府城偕歲貢楊思敕文生許錫齡從九品徐乃濟

守大東門文生謝子齡守小東門武生范凌霄范榮坪及榮坪

之子銓守南門民人王安泰宋學林陸體仁守西門文生吳西

山守水西門其餘分守各門者舉人李文蔚武舉胡騰高優貢

田匯渠諸生李濬治監生黃子會武生王南勳民人焦幕江王

璟趙金榜監生查鍾楷查鍾慶六品軍功譚兆祥八品陳文迪

韓學和弟學寬姪德珍葉有訓葉有傑葉日起黃子義營兵江



純粹丁張鵬及練丁李榮陞許之坦范國祥等三十一人均於

城陷時力戰死之

合肥縣志  
兩江忠義錄

黃先紳舒城庠生咸豐三年在廬州府帶勇守小東門城陷與  
六品軍功曾延長均死之同治間均

旌卹祠坊

舒城縣志

劉世文巢縣文童咸豐三年在廬州帶練守府城西南及陷被  
執死是年汪玲同王有寬等三人傳應兆等十四人俱助練剿

賊陣亡

巢縣志

董以喬合肥人咸豐三年髮逆犯廬州府城陷與弟以懷以韶  
姪樹齡金臺及家屬闔門殉難於同治七年奉

旨旌卹祀祠專坊

吳坤修  
奏案

唐家吉合肥人咸豐三年髮賊入城闔門自焚又成玉田董承

謨蔡有秋郭澤宏郭澤宜魏殿元武生胡國泰張志洪俱一家  
殉難歲貢趙君弼一門六人從九蔡家鍾王尚德一門五人李  
文楷一門九人趙金鑾一門四人張桐一門十四人均死之

合肥志

志

楚沅無爲庠生咸豐三年率子永梓帶練丁擊髮逆於奧龍鎮  
均死之是年汪萬宜李開正水其龍閭哲榮藍元榜施邦方葛  
廣盈均在螺師灘拒賊陣亡張正科在天花寺陣亡

無爲州志

李承勳巢縣人山東巡檢奔喪揚州咸豐三年揚州陷一門殉  
難是年從九品李福齡亦在揚州殉難

巢縣志

劉振奎廬州府人寄居揚州咸豐三年全家殉難於同治九年

旌卹專祠專坊

順天府奏案

王福永字祝君合肥舉人咸豐四年官頴上訓導髮逆猝至偕

妻孫氏子廷琛廷琮死之

贈國子監學錄銜立專祠世襲雲騎尉是年合肥文生孟蘭香監生高鳳鳴周春海帶練在籍剿賊陣亡文生衛濱烈武生衛芳烈衛文蔚衛承瑜在舒城陣亡廩生東寶晉民人吳沛然吳承章均剿賊巢湖陣亡李秀林解承選陳振傳剿賊花子岡陣亡監生李明萬帶練堵賊肥西與其子李玉林及練丁李文貴張朝貴王恆元汪春榮鄒洪元王有貴孫效傳王恆志俱陣亡文生朱乙照亦死之

合肥縣志

鍾業鏘字振春廬江監生刲股療母毀家團練咸豐四年秋廬江城陷帶勇克復九月復陷率陳自起宋有貴李長貴等巷戰死之俱蒙

恩卹祀昭忠祠

廬江縣志

周啟發廬江人投撫標積功至都司咸豐四年檄辦團練並胡

賊蹤在冷水關同洪志仁等均遇害是年文生吳鑑盤一作吳

何忠貞汪宗泗陣亡均廕雲騎尉又軍功高仰止張祖培張廷

寬陳克寬廟員王必壽均殉難廬江縣志

吳廷香字蘭軒廬江優貢舉孝廉方正咸豐四年縣城陷同庠

生盧莖前廬江外委熊允升率勇攻復守之絕糧旋再陷又率

張道會陳長有巷戰與盧莖熊允升均死之廷香

副贈四品卿銜建專祠世襲雲騎尉并以子長慶官

贈振威將軍盧莖

贈訓導廕雲騎尉戴鈞衡文集廬江縣志

王運漢廬江人咸豐四年城陷闔門殉難廬江縣志

夏鵬展張龍書張大勳俱廬江人均各闔門殉難廬江縣志

胡祖謙字雨香廬江人工部員外郎道光中疊次倡辦災賑咸豐三年髮賊犯安慶祖謙辦團守縣城四年正月廬江陷與子從九品元釗俱死之均世襲雲騎尉廬江縣志鍾繼昌舒城人州同銜咸豐三年冬舒城陷四年夏繼昌集眾攻踞城髮賊不期而會者萬餘人圍攻兩晝夜城垂克會賊自六安合肥來援眾潰繼昌與從九黃翼之民人陶宏王大虎等皆死之是年陳鳴璣在廬江守城被害均

旌卹坊祠繼昌翼之並世襲雲騎尉

舒城縣志  
兩江忠義錄

陳安邦外委章學毅六品軍功俱舒城人咸豐四年帶練隨金上珍攻縣城死之又諸生薛世芬文章姜雲路及周練周枚張齡許榜喬兆端楊芳遠胡應江胡應槐許先有黃臨銀石音和石音諧均於是年帶練剿賊陣亡

舒城縣志  
呈冊

侯蕙無爲人咸豐四年在揚州率團巷戰陣亡

無爲州志

湯廷英巢縣人廣東從九品隨剿廉州及波山艇匪存升知縣署惠來咸豐四年髮賊犯惠來城陷殉難

贈知府銜世襲雲騎尉

巢縣志

袁際華巢縣監生咸豐四年團練擊髮賊於大山口受傷死又廩生李正源倡捐辦團賊圍執之與子光施俱死副將韋榮昌之父袁雲周是年擊賊於紅石背陣亡

巢縣志

孫盛華孫效林俱巢縣人咸豐四年髮賊踞巢帶練死之

巢縣志

吳雲錦凌興發俱合肥人咸豐五年同辦團練髮賊至被害是年丁哲憲築壘三河歲貢萬于瓚禦賊巢湖軍功譚慶鵬率勇防剿俱陣亡

合肥縣志  
兩江忠義錄

周盛華合肥人咸豐初辦團禦賊積功存保游擊五年在廬州

督團剿擊髮逆陣亡奉

旨照例優卹同治八年准於原籍建立專祠

李鴻章奏案

計如霖廬江文童咸豐閒闔門殉難於同治七年

旌卹

胡肇智奏案

秦楠舒城廩貢署五河訓導咸豐五年帶團禦賊於舒城之曹

家河力戰陣亡祝天培與其兄宗培子仲魁肇仁肇義俱從楠

戰歿

舒城縣志

王德元舒城貢生咸豐五年從徽甯道何桂珍剿捻英山陣亡

祀祠建坊

舒城縣志

李炳揚舒城人咸豐五年秦定三攻賊於舒城炳揚入城搆內

應謀泄與同謀之柏正祥秦尚發卜登榮徐春元皆遇害

舒城縣志

張信珠舒城人五品軍功咸豐五年從總兵音德布剿和州陣

重修安徽通志

卷二百士

人物志

忠節

五

廬州府

亡於同治年

旌卹祠坊

舒城縣志

李華封無爲人縣丞咸豐五年辦理無巢團練陣亡

無爲州志

祖清節巢縣武舉咸豐五年在雞嶺河帶勇剿賊受傷死又是年賊竄卜廟胡景鄭應奎等七人胡義展呂鳳能葉廣義等二十人均助剿陣亡

旌卹如例

巢縣志

劉韶美字善夫巢縣廩生倡辦團練咸豐五年渡湖禦賊與郭興鐸俞華珍丁善才均陣亡是年張聯陞在中廟擊賊陣亡

巢縣志

黃謙吉巢縣文生督練禦賊殉難

旌卹如例

巢縣志



汪澤霖巢縣人未入流禦賊陣亡祀祠建坊世襲雲騎尉巢縣志  
楊汁巢縣人從九品咸豐五年同弟楊濤楊澤帶練禦賊均被  
害

旌卹如例又秦盛榮童邦應等四十二人六品軍功劉觀海周大本徐  
宗元馮兆榮四人莢萃明莢玉喜莢有發莢玉業莢盛旭等七  
十九人趙法祖等六人均團練剿賊陣亡巢縣志

劉汝楫陳煥章俱巢縣人六品軍功咸豐五年賊撲長岡軍營  
帶練助剿死之是役賈天興賈宗玉李尚文在長岡營陣亡王  
致美等九人王金寬等一姓十二人徐兆基等四人劉存義等  
一姓七人何萬金等三人聞尚書等七人及練丁李榮燦均從  
汝楫煥章陣亡趙成章宋大寬運饟官軍道戰死巢縣志

李增培巢縣從九品咸豐五年辦團遇賊長山下不屈死之又

金思馨帶練保撮鎮遇賊被害王振綱李尚澤方意旃帶勇剿

賊陣亡

巢縣志

程仁字鵬振合肥人以助剿髮逆功擢舒城把總咸豐六年偕  
六品軍功程東陞在廬江冷水關陣亡是年把總宇鳴友帶勇  
助剿巢縣訓導沈廣策從剿和州童學書章學舒王雲龍從剿  
三河夏文志從剿潛山俱陣亡

合肥縣志

余思楠合肥人咸豐六年同弟主簿思樞率勇攻潛山失利退  
軍思楠殿後陣亡其季弟監生國楨於八年奉李續賓諭密構  
廬州內應期定而三河軍敗事洩被害

兩江忠義錄

何秋元無爲庠生從李元華帶勇剿賊咸豐六年由廬州渡湖  
規復無爲衝鋒陣亡練勇鄒同和鄒日照陳維九陳維周陳得

舟周玉衡俱戰歿

無爲州志

汪人廉字小崖巢縣舉人父輝崖毀家紓難命人廉募勇剿賊  
守巢南咸豐六年出隊白石山陷陣與汪人才汪雲龍汪才武  
黃邦發等死之人廉

贈知府銜建立專祠

張樹聲奏案

世襲雲騎尉是年耿寶樹劉鳳鳴劉世餘

耿如春楊起玉王朋鼐劉世元柳大發張志芳在無爲州塔橋

陣亡

巢縣志

江忠義錄

兩

金文周巢縣人咸豐六年帶勇渡河擊賊死葛學高郭地靈等  
二十一人渡巢湖南岸攻賊壘均死之葉志朝吳邦金亦於是

年集勇助官兵擊賊死

巢縣志

蕭昌敬合肥人從九品咸豐七年禦髮賊官亭鎮受重傷死蕭

昌才蕭儼若蕭儀俊蕭儀多蕭儀典蕭儀兩蕭煥章蕭型謨董  
城馬世芳虞心周童義德童邦賢王步雲董成德張昺江光友

江宗攷江明藻俱從死是年合肥董汝楨董於聲董於孝董汝  
騫董運樞俞殿安俞得安俞安岫商邦富夏永球夏尊霞在董  
家岡集練禦賊俱殉難

合肥縣志

衛守常合肥人五品銜咸豐七年同從九褚弼文生趙熙黃調  
葵六品軍功魯汝霖夏宗盛監生沙鳳臨虞家輔解志道楊麗  
生程謹程錫民人童萃峯童學詩隨剃髮逆於桐城陣亡又劉  
方沂五品頂翎孫文彬孫朝邦孫朝鐸孫朝盛孫家才孫家義  
俱隨都司孫家貴在涇縣城守與家貴均陣亡守備張春發調  
攻含山昭關陣亡宋志佐姚慶開溫國珮隨攻無爲州陣亡

縣志

解先聘合肥人咸豐七年禦捻逆於西鄉與劉輔周許萬明俱  
戰死同時有陳元者在西鄉起練堵賊眾潰全家殉難又徐義

衡亦集練禦賊被害略國安在中廟偕眾擊賊死之合肥縣志

朱壯士者合肥人失其名咸豐七年率子鵬飛集勇禦賊殺二

人賊眾至俱力竭死是年黃國謨與弟國訓程煌與弟煌俱禦

賊不屈死闔門殉難兩江忠義錄

曾如皞舒城監生以團練給五品頂翎咸豐七年從提督秦定

三攻髮賊於桐城被執死之同治年

旌卹祠坊舒城縣志

萬彬雅無為庠生辦巢南籌餉局咸豐七年髮逆圍局被害是

年駱大猷在翟家嘴刺賊被害無為州志

趙宜秀舒城人守備同治七年在滑縣剿賊陣亡

贈都司銜世襲雲騎尉舒城縣志

孫超羣巢縣人以團練功保把總咸豐七年帶練從張遇春在

楊徐山剿擒賊受傷死是年賊踞城黃嘉稷計誘出降機洩死之

巢縣志

任攀桂巢縣人咸豐七年一門殉難

巢縣志

繆連勝巢縣人軍功六品咸豐七年從水師剿賊巢城中礮陣亡又五品銜繆勝業從征涇縣項學訓翟韶文從征無爲州六品軍功王德政從征洪澤湖俱陣亡耿介炳黃榜黃聲遠均於是年遇賊不屈死

巢縣志

魯雲鵬合肥人候選縣丞咸豐八年髮逆由舒城犯廬州府城再陷雲鵬同弟雲章力戰死之先是雲鵬於五年秋爲官軍內應克復府城七年集團助剿及是一門遇害同時守城者吳椿王鳳槐劉金鑑徐良器從九陳宏烈均陣亡吳椿並一門十人殉難其各鄉團練耆王恆敬王與齡王灼林王國俊在東鄉文

生彭晚蘭在北鄉衛守備蘇開生監生郭茂森文生郭寅在店  
埠廩生吳毓衡在三汊河汪立根在三河姚慶來姚慶儀王邦  
興王贊襄從九品姚恩賢在撮鎮王鈞遠在豐樂河監生王愷  
在梅子山王以正余健春蔣楹在上派河文生鄧世臣在長鎮  
營均陣亡又程藩溫邦義闕崇德闕崇修趙鳴鐸吳中林馬繼  
常六品軍功汪春元程增揚吳照壽程結成增生虞韶美文生  
陳騰蛟黃克嶷均以集練從征陣亡廩生龔詠集團不遂余思  
榛圖賊謀洩均死之其一門殉難者有文生程宗洛與子存禮  
等十四人監生黃承堅之妻子黃瑞瑩等十三人楊正先與其  
子孫曾孫四代從九品林楚材與弟楚均等九人又有羅璧宰  
福昌程縉蔡德元楊舒滿程莊張士偉黃錫信趙金盤張立楨  
柯永順史秉源羅元黃承祖葉長華從九品宋存信文生巫樹

梓俱全家遇害

合肥縣志

彭芸青合肥庠生成豐三年髮賊圍廬州府城芸青縋入請江

忠源給諭往鄉起練未幾城陷八年在東壩陣亡

合肥縣志

程致和合肥武生成豐八年調攻無爲之泥汊賊壘力竭投河

死

無爲州志

徐學浩合肥人把總咸豐八年禦捻陣亡於同治十年

旌卹

英翰奏案

陳嵩陽合肥人咸豐八年廬州再陷嵩陽罵賊死子維章孫熙

堯等十人殉難其率勇守城之從九葉士達監生周邦福張慶

濤及葉日修胡攀桂均死之又候選訓導唐會衢率子士珍在

七里棧監生吳光日在巢湖候選訓導張之茂在唐家巷從九

張紹堪軍功宋士猷費日華在二十里鋪及萬春生從九李衡



鈞俱各帶勇禦賊陣亡或受傷死都司蘇世常寄居和州亦於

是年禦賊蘇家堡陣亡

兩江忠義錄

汪宗泗廬江諸生成豐八年李續賓剿賊三河諭宗泗團練助

剿臨陣被執不屈死

兩江忠義錄

秦鳴鶴舒城從九品咸豐八年李續賓徇三河鳴鶴同李廷鑑

謀夜入三河舉火應官兵不果師潰鳴鶴被害祀祠建坊是年

舒城人劉代珍從副將盧又熊營於韓家菴營潰死之

舒城縣志

王文郁舒城從九品帶團練小河口禦賊眾潰被害於同治間

旌卹祠坊

舒城縣志

黃先林舒城監生成豐八年同黃舒晴八品軍功李公順隨知

縣甘文瀾在桃鎮禦賊死先林子舒暢以救父被害先林公順

舒晴舒暢均同治間

旌卹祠坊 舒城縣志

黃鳳揚舒城庠生集練禦賊烏沙被執死之又監生謝傳傑從

九品黃綬庠生舒世芬武生戴雲戴南英江文波六品軍功劉

代理俱帶練禦賊陣亡於同治年

旌卹祠坊 舒城縣志

王錫五無為庠生候選縣丞咸豐八年同弟外委王道生督水

勇擊髮賊均死之 無為州志

于榮無為武生咸豐八年在繁昌驚橋陣亡 無為州志

何大科巢縣人咸豐八年團練剿賊陣亡是年軍功六品王得

勝從鄧紹夏陣亡葛萬元蕪湖陣亡 巢縣志

孔憲禮合肥人千總咸豐九年在高劉集帶練剿賊陣亡袁璞

袁紹祖劉珠劉柱劉安劉廣德張詢吳桂生王沛階王以香王

香林金有道同死之又練總童道南同弟道貫督練西南鄉均

遇害

合肥縣志  
兩江忠義錄

劉長太合肥人在官亭築圩自守咸豐九年髮逆由六安竄廬  
州圩破與從九劉憲章劉先佐劉先培劉代純劉代敖暨閩門  
三十六口均死之

旌如例同時趙洛童暉廩生楊如松均閩門殉難岳大治亦築圩自

保被執不屈死

合肥縣志

宇文建合肥人游擊咸豐九年同把總宇文高鍾正揚在山東  
陣亡是年把總朱懷年盛秉清張朝選從征江南外委周連陞  
在六合縣軍功梁文藻在滁州張裕德張時元在明光店張和  
俊沙九齡沙祖錫沙孔訓沙文楠軍功五品盛章巨六品李大  
應解至安盛章磬沈大訓勇丁程肇海徐義珠均在長鎮趙廣

申在余堡貢生蔡祥武生李聲和在定遠李偉鵬在合肥均各陣亡又朱學貫陷賊中會官軍進剿廬州謀內應事洩遇害

縣志

韋斌舒城監生成豐初集團韋家窪九年卒于千總定功縣丞鴻勳等力拒髮逆接戰陣亡子定策孫恩福恩善恩德恩林及軍功韋恩義等百二十人均死之斌定功蒙

恩旌卹專祠專坊鴻勳等附祀

舒城縣志

高堃舒城人咸豐初同兄高旭辦城防從主事朱錫麒禦髮逆於白沙嶺七年從布政使李孟羣轉戰湖北河南及舒六等處以功洊保知縣九年二月隨李孟羣在廬州府屬之長城陣亡經章甲三奏請同治元年奉

旨予卹併附祀廬州府李孟羣專祠及孟羣之父李卿穀固始專祠世

龔雲騎尉舒城縣志

張在邦無爲人六品軍功咸豐九年從水師剿賊沿江陣亡無志

州補志

李鴻圖無爲人衛千總咸豐九年在盱眙陣亡是年六品軍功于成從李續賓在三河擊賊死之武生邢錦標從知州葉藩在

泥汙攻賊陣亡無爲州志

陳建昌巢縣監生咸豐九年帶練剿賊死又監生閻文賢投効護城營賊攻營死之徐克明賈萬春助剿陣亡巢縣志

趙對澂字野航合肥廩貢官廣德州學正咸豐十年州城陷殉難對澂工詩詞著有小羅浮仙館詩集野航十三種是年嘉湖衛守備趙對淵在杭州夫妻子女閨門殉難候選府經歷龔彥著帶勇隨提督周天受守甯國府城陷陣亡都司衛汝綸在定

遠攻賊陣亡鄧守本隨圍金陵戰歿胡正華袁正義王元在合  
肥西鄉禦賊均死之

合肥縣志

周盛武合肥人咸豐初倡辦團練積功洊保副將加總兵銜咸  
豐十年甯國府失守陣亡奉

旨照例優卹同治八年准於原籍建立專祠妻陶氏附祀

李鴻章奏案

黃先登合肥廩生係五品藍翎辦理團練築圩禦賊復隨官軍  
克復城池咸豐十年圩破及子業乾

縣志作業俊

被執不屈死又六

品監生黃湘芬監生黃常修黃瑞琪黃先達文生黃瑞華五品  
文童黃瑞璠藍翎千總黃康福六品軍功黃先舉暨黃作霖孝  
子黃瑞五等一門死事七十八人又殉難者三十九人同治十  
一年奉

旨旌卹建立祠坊

黃廷奏案

梁蘭馨廩生方殿揚武舉俱合肥人咸豐初同黃先登辦團禦賊後均陣亡先後死事者文生張錫純蔡先甲孟兆辰從九品李曙初王恆掌吳三義監生趙金鐸方理蔡家謙吳琪蔡有倫董光熊董蘭生周家彬張世藻王占陳志龍崔林華胡兆琛闕慶明王萬選張榮全張步階張永和羅錦祥楊國初蔡家丞陳德豐王璧張士標楊國福蔡家棟韋朝幹羅國聚羅錦揚蔡家銓蔡家本李志高張德昭蔡家雍楊國楨八品監生方業勤馬朝業藍翎把總費家禮段生成王得勝等同治十二年奉

旨旌卹建立祠坊

黃鉅奏案

程枚字吉人舒城舉人道光初官貴州修文知縣革徭役陋章籌辦仁懷兵差絕不累民升都江通判病歸咸豐十年僑居甯國縣方村髮賊竄至枚子五品銜文生曜帶團禦之賊分股入

村焚枚家闔門死之曜戰挫重傷投火中死事聞奉忠孝節烈  
萃於一門之

諭給祭葬祀昭忠祠世襲雲騎尉

舒城縣志

周召南周正元俱無為人咸豐十年禦捻陣亡又李廣明夏有

廣項萬旺項萬滔均在耿家山陣亡

無爲州志

汪玉樓無爲人起練剿堵花家堡賊至被害

無爲州志

樊熙朝舒城人咸豐十年任甯國縣訓導城陷闔門死之

旌建專祠專坊世襲雲騎尉

舒城縣志

梁應濱巢縣人咸豐十年同梁德貴梁之鳳梁炳信梁正心帶

練剿賊龍王岡陣亡是年襄村人韋大業韋起餘等十六人決

圩淹賊復奮力迎剿殺賊數十力竭俱陣亡

巢縣志

蔣榮上程榮起楊有章湯標洪彬畢登元趙文有王雲慶俱巢



縣人均於咸豐十年集眾禦賊死

巢縣志

李元甲合肥人把總帶團禦賊陣亡於同治十一年

恩卹銀兩世襲雲騎尉

英翰奏案

楊福保合肥人千總咸豐十年在常州帶勇禦賊陣亡於同治九年

恩卹銀兩世襲雲騎尉

郭柏蔭奏案 順天府奏案 御史朱鎮奏案

周家興合肥人咸豐十一年在常州督團剿賊陣亡

旌卹如例

江蘇奏案

陶輝仁合肥人藍翎外委咸豐十一年同把總廖明長孔憲長解紹琪克復三河陣亡是年監生王尙典未入流余在朝均在壽州死苗逆之難董光宇在金牛鎮死捻逆之難何履泰在南

鄉死髮逆之難

合肥縣志

潘璞字曉菴廬江廩生孝友尚氣節咸豐初以團練保訓導疊率宗黨子弟挫粵逆鋒十一年賊由九汭洲西竄璞帶練在縣東門外襲賊受傷賦殺賊嗟無分忠魂抱不平之句而絕家丁陸承恩捍衛死之璞於同治元年

卹給雲騎尉世職五年

敕建專祠陸承恩附祀嗣以子鼎新官

贈光祿大夫

兩江奏案  
廬江縣志

王純臣字恩賢廬江監生成豐三年縣城陷髮賊山掠純臣募勇築堡以禦之十一年秋帶勇同兄占魁襲賊復城追至三河圍攻兩月援賊大至純臣力戰與武生王點及王泰來王錫齡均陣亡蒙

恩各給卹銀百兩又五品軍功徐立功亦在三河陣亡

廬江縣志  
兩江忠義錄

郭兆銘廬江人從九品居黃陂湖東咸豐十一年髮賊東掠兆銘及其子議敘八品光林暨闔家二十二人均投湖死之兆銘贈鹽運司知事銜光林布政司都事銜均廕子入監又鹽知事胡彭齡從九胡柏齡胡仁爵文童徐觀淵李善道盧天才鄭明才之子宏英吳雲衢之子堯臣俱各一門殉難均蒙

旌卹建專祠專坊彭齡柏齡仁爵各廕子入監用縣主簿江志

夏允材廬江監生成豐四年率勇助吳廷香克復縣城十一年擒匪回竄允材與族人夏忠弼捐資募勇分途堵禦久之賊眾不敵皆力戰死允材子大任六品軍功許文元奔救均死之又李嘉能黃秉誠鮑靜安同禦擒於南鄉甌橋相持數月均陣亡

兩江忠義錄

張宗湛舒城武生帶勇隨青陽巡檢沈承怡攻賊廬江遇害文

生鮑豐岐同子伯壘攻廬江均死之

旌卹祠坊

舒城縣志

王鼎元無爲人咸豐十一年同王登榜王朝綱何勤業何成賢何忠玘和尚江文典孫大韋三羅大剛在龍門橋禦捻戰敗死之是役也鄭榮茂程居安等三十四人方進先等三十餘人南五汛練丁蘇策助等十四人及樂齊高李志義又練首戴相鼎率戴啟發等二十七人徐正華等六人何能玉等七人均在龍門橋陣亡又李春廷在南鄉帶勇堵捻周文才鄒世俊鄒曰武在大嶺剿捻均各陣亡

無爲州志

李五峯無爲人從九品銜咸豐十一年同鳳金能劉東昌劉東旭張起昌張守占夏傳森李兆林李德品李德興徐興發俞忠燭夏學海夏世盈夏友廣夏才早李寶木李德壽李廣德李族

貞李華艾李華金黃世鮮黃世和陳求樂李保和夏世教王上

聘王希聖王仰賢郭長元團練剿賊先後陣亡

無爲州志

伍庚榮無爲人咸豐十一年同伍有讚伍東元在長山凹團練

擊賊均陣亡又葉孔傳孫富貴戴成修楊萬才是年在廬江打

仗陣亡

無爲州志

章開泰無爲人咸豐十一年同章作雲蘇水亭蘇正修蘇正衡

蘇鴻烈徐從容徐得起徐朝來先後起練禦賊暨練丁黃禮倫

等均陣亡

無爲州志

黃樹滋無爲人父志緯咸豐五年殉髮賊之難樹滋與妻葉子

元美孫承英於十一年一門殉難

無爲州志

程恩浩無爲人縣丞五品銜在高郵陣亡把總于效清在九洑

洲陣亡

無爲州志

郭傳發合肥人藍翎千總咸豐十一年同六品軍功周盛龍周方夏孫榮伊文魁周盛時周盛元吳錫璋周家祥張於賢栗有成吳志品杜文亮程恆樂周盛樂王開提程春林韋宗成劉克賢劉三孜吳華庭程孝賢朱曉周盛堂禦賊均陣亡

合肥縣志

蔣尙炳巢縣監生成豐十一年帶練剿賊長岡頭被害是年柘皋捻匪竄炯煬河練丁方子喬陣亡唐起長唐自啟唐長聚何

榮春何金滿王加祥均於同治元年剿捻炯煬鎮陣亡

巢縣志

李逢元劉濟之俱巢縣人帶勇防剿於咸豐十一年與軍功六品蔣尙森及蔣邦華蔣國安劉炳耀唐廷益陶永廣陶學海陶永壽陶天柱周志賓均被害

巢縣志

曹世準巢縣人從征上海保守備咸豐十一年巡洋舟覆溺死

蒙

邱蔭祀無錫昭忠祠

巢縣志

杭蔭軒巢縣人從剿髮逆轉戰安徽江蘇保守備在江蘇陣亡

又汪金臺汪能智在太湖陣亡

巢縣志

楊獻璧馮廉夏永璜汪坤玉汪化育汪化朝汪盛樂汪守功汪

朝珍唐維垣把總劉頌平監生李開仁俱巢縣人先後辦團剿

賊死

巢縣志

戴家政合肥人文童同治元年廬江陣亡溫國黼亦於是年陣

亡

合肥縣志

劉利賓合肥人同治元年同劉調元武生劉錦標從九劉錦榮

劉煦亭劉鍾黃劉受全劉善述劉慎思及凌建中等集練助剿

廬州偪城而壘爲賊撲陷均死之同死者百數十人官軍旋克

復廬州府又史明剛築堡扼賊與弟明浩明義明清明瑞明桂

子景運姪運仙景壽景泰景全景生景詔景香景順景元暨家  
屬二十餘人闔門死之外委張起樂陳華周開選沈鳳翔六品

軍功解紹涂均從官軍攻城陣亡

合肥縣志

季萬珊無為人同治元年起練剿賊戰敗投塘死又季嗣繁在

黃雒鎮帶練杭雲海郭榮慶在橫山凹帶練俱殉難

無為州志

吳克發方太壽俱無為人太二汛練丁同治元年禦髮賊於閭

鼓山與翟一才張長禮張在林黃步洲陳德元潘先友朱起元

潘先本季萬應常國義潘先其潘得元楊以舟楊盈舟均接戰

陣亡於同治七年

旌卹

胡學智奏案  
無為州志

王錫昌李洪俱合肥人同治元年在無為之閭鼓山剿賊與潛

山人仰貴先定遠人劉大義並陣亡

無為州志



楊盈州楊用功許大旌俱合肥人同治元年在無爲之大嶺剿

賊與和州人季萬松陳宗和均陣亡

無爲州志

張起顯無爲人同治元年賊由含山渡河起顯率二十餘人在五連圩拒戰受重傷死是年六品軍功監生蔣紳在巢縣辦軍裝遇害趙尚宏鄒曰銀鄒曰康在芙蓉嶺陣亡

無爲州志

冉大相無爲人同治元年髮賊竄雍家鎮大相帶勇拒之追殺數里陷伏死之同時姜一才方玉盛水其鳴水其霞均死王克先金萬明團練剿賊與練勇王裕才倪盛發陣亡倪昌鑑在三官壩進剿運漕陣亡

無爲州志

邾昌緒無爲文生同千總王成發禦賊殉難於同治年照新章

旌

無爲州志

繆春懷無爲人同治間同謝宗泰李緒紳李德和繆裕恆俞炳

益汪永寬陳能守團練剿賊先後殉難

無爲州志

陳太和陳金倉陳維禮陳維明李士福李志和李士舉湯月耀

陳求五錢能容李春源陳德勝沈自長沈禮經沈禮根沈義才

陳求才鄒世金周先泰周志達周恩浩俱無爲人同治元年冬

大嶺迎剿髮逆陣亡

無爲州志

馮有福巢縣人從九品同治元年偕楊福元楊萬春辦團禦賊

被害

巢縣志

周南薰巢縣文生同治元年派守東城及陷死之英文發楊潤

江等十七人紮筏渡河攻賊陣亡又把總王明貴從春字營外

委楊朋鸞從選字營剿賊均中礮死

巢縣志

朱明哲巢縣人同治元年輸糧百餘石助餉旋被賊獲死之又

洪兆璧王餘富均以攻賊死

巢縣志

金學禮巢縣人從張遇春征剿保守備同治元年同五品翎頂

李逢春在虹橋陣亡逢春祀昭忠世襲雲騎尉

巢縣志

董祖珍字聘臣合肥人湖南府經歷同治二年苗逆再陷壽州

祖珍守東城死之

合肥縣志壽州志

黃瑞圖字慕香合肥增生同治二年從征太倉州與劉澤蘭朱

字漢都司胡有昇五品沙浩文生黃獻琛均陣亡沙湛沙提沙

恆訓亦殉難是年李名達監生張梁棟在籍禦賊死之監生劉

珮在福山剿賊力戰死三年守備宋報國隨淮軍克復常州府

陣亡

合肥縣志

李賢智無爲人同治二年集眾拒捻被執死

無爲州志

童濟鳳無爲人同治二年一門殉難

無爲州志

樂勝龍無爲人同治二年同樂克懋辦團禦賊俱被害宋邦仁

宋邦慶戰敗投水死練勇朱義發樂立傳樂立道夏世舉薩建

廣陳永林潘正泰均陣亡

無爲州志

周志杰周志科俱無爲人同治初均從曾國荃選字營金陵陣

亡

無爲州志

李振標字梅圃巢縣武生衛千總銜同治二年髮賊竄西鄉振

標自備口糧助剿被害照千總例

恩卹銀兩祀祠建坊世襲雲騎尉

巢縣志

徐萬銀蘇得勝俱巢縣人從張遇春征剿髮逆均以功保守備

同治二年萬銀在江蘇陣亡奉

旨祀無錫昭忠祠得勝亦力戰傷亡議卹如例是年都司吳茂元在茂

湖陣亡

巢縣志

周炳鎔巢縣武生同治二年卒練禦賊重傷死之又左自榮帶

練剿捻於烱煬河亦死之均

旌卹如例江巨和劉盛桂秦煜禦賊徐家渡均死之

巢縣志

王宗元巢縣人把總同治二年從水師攻江陰陣亡外委王宗孔亦於是年從水師攻上海陣亡六品軍功王福成從鮑超南陵打仗陣亡又文童方家勳率練剿賊與練丁楊明盈均死之

巢縣志

志

楊存柯楊朋盈楊文起楊文惠張志桂劉東書劉國舉徐金發張志華韓志海俱巢縣人同治二年正月同張廣發等六十二人隨署知縣李嘉湜擊賊柘皋河徐家渡陣亡

巢縣志

許成宗舒城人把總同治三年李鴻章派兵剿賊浙江成宗隨營湖州府攻復晟舍陣亡從祀無錫昭忠祠

舒城縣志

何安泰舒城人從程學啟隸開字營收復安慶調上海克蘇州

積功至總兵加提督銜同治三年從征嘉興拔幟先登大軍繼之  
城遂下安泰中礮死照提督陣亡例

賜卹建專祠予世職舒城縣志

趙本楷無為人同治三年在趙家村集鄉民禦賊力竭死無爲州志

汪龍淦巢縣人都司在常熟縣攻克賊卡陣亡蒙

恩卹贈游擊銜世襲雲騎尉巢縣志

凌大鵬劉家友俱巢縣人同治三年從曾國荃克復金陵陣亡

巢縣志

金占熊字夢祥巢縣武舉官福建漳州守備同治三年髮賊竄閩占熊守詔安城相持五月糧援並絕力戰自刎蒙

恩卹銀祀昭忠祠世襲雲騎尉巢縣志

張樹珊合肥人少習騎射咸豐初粵逆入皖與兄樹聲團練鄉

兵擒治土匪五年以二十八人破賊千餘於巢湖斬五僞尙書  
築堡殷家畝敗捻匪張落刑於官亭九年克復霍山以千總用  
十一年解六安圍保守備同治元年克復三河以都司從李鴻  
章至上海先後解新涇四江口常熟賊圍攻克福山江陰無錫  
常州等城

賞勇號累擢記名提督補廣西右江鎮總兵四年從曾國藩剿捻山東  
敗賊魚臺代劉銘傳守周家口五年擊賊敗之又敗賊沙河之  
東解許州圍追敗任柱賴汶沆等賊於豐縣定陶曹縣汝甯賊  
竄湖北曾國荃檄樹珊往援十二月疾行至德安擊賊於楊家  
河東岸任柱敗走樹珊誓擒之率親兵二百餘窮追至新家聞  
陣亡六年奉

旨優卹予謚勇烈本籍及立功地方建立專祠史館立傳世襲騎都尉

兼一雲騎尉七年擒平

賜祭一壇

贈太子少保銜子張雲連襲世職

史館鈔傳  
撰行狀

錢鼎銘  
合肥縣志

郭有容劉登朝俱合肥人並以副將從張樹珊剿捻於同治五年追任逆至湖北德安與都司馬壽文守備黃翰均陣亡從祀張樹珊專祠是役副將潘承恩游擊胡大灼朱鳳祥都司張玉海王正典守備夏文太沈玉德千總孫益孝賈文會把總吳德成郭正烈張餘貴徐心田從九孫極九等同死者百餘人

合肥縣志

汪言能程脩業俱無爲人同治五年從張樹珊在周家口剿捻

陣亡

無爲州志

夏金標廬江人從曾國藩討賊治軍嚴整積功至總兵加提督銜同治五年在豐縣剿捻傷亡二月



賜祭葬贈太子少保銜給騎都尉兼一雲騎尉世職祀昭忠祠史館立

傳十一月奉

旨予謚剛烈

兩江奏案  
廬江縣志

唐殿魁字蓋臣合肥人咸豐年間倡辦團練疊禦髮捻苗逆以  
功補千總同治元年從劉銘傳率師上海攻剿髮逆克復南匯  
川沙柘林常熟金山奉賢江陰無錫金匱福山等處累擢記名  
總兵加勇號偕副將黃桂蘭血戰奔牛壘斃逆首常州遂下六  
年補廣西右江鎮總兵擊捻逆於湖北天門之尹澧河乘騎中  
礮陣亡

贈太子少保謚忠壯史館立傳江蘇湖北安徽均建專祠世襲騎都尉

合肥  
縣志

劉朝煦字協臣合肥人同治元年從劉銘傳率師上海攻剿髮

逆解常熟圍攻復州府城累官至副將記名總兵北征擒匪轉戰數省六年追賊至湖北尹澧河陣亡

恩卹如例本籍建立專祠

合肥縣志

牧治高廬江人由勇丁積功保游擊同治六年從唐殿魁剿捻湖北在天門縣尹澧河陣亡蒙

恩卹銀五百兩世襲雲騎尉

廬江縣志

吳維章趙繼鼎俱舒城人從劉銘傳剿賊維章官至副將繼鼎千總同治六年湖北尹澧河之戰陣亡

贈維章總兵銜繼鼎守禦所千總銜均祀死事地方及本籍昭忠祠世

襲雲騎尉

舒城縣志

季萬祥葉克興俱無爲人把總同治六年從唐殿魁等追剿捻逆與周玉金萬國根陳宗喜周志餘張得信均在湖北天門之

尹澄河陣亡

無爲州志

王鴻彪合肥人都司同治七年在山東南樂縣剿捻賊陣亡

合肥縣志

周行發合肥人咸豐初辦團練旋從周盛傳征剿髮逆積功至副將加總兵銜同治七年在直隸甯津吳橋交界之毛家莊剿擊捻匪重傷身故奉

旨照例優卹同治八年准於原籍建立專祠

李鴻章奏案

鍾家第廬江人副將銜參將同治七年同弟都司家梓從潘鼎新剿捻在直隸東光縣陣亡八年

賜卹贈家第總兵銜世襲騎都尉家梓游擊銜世襲雲騎尉

廬江縣志

李柏林廬江人以守備從潘鼎新剿捻於同治七年在河南滑縣陣亡八年

賜卹贈都司銜世襲雲騎尉又運同銜直隸州鄧近信陣亡給世襲雲騎尉游擊潘鼎臣守備潘邦升千總潘邦志把總潘國宏潘正倫潘國興均陣亡蒙

恩卹鼎臣副將銜邦升游擊銜均世襲雲騎尉

廬江縣志

劉士發合肥人從征太湖陣亡子克仁官至提督同治八年因傷卒於家

合肥縣志

凌本仁巢縣人六品軍功監生同把總劉頌平劉大江賈長勝李銀昌劉汝楫文童楊光斗俱禦賊陣亡於同治十一年

旌卹祠坊

黃鉅奏案

鮑厚軒舒城人布經歷同五品軍功從九孫頤禦賊陣亡於同

治十一年

旌卹祠坊

黃鉅奏案